

南邨輟耕錄

玉蘭
一州堂本
岷收感



南村輟耕錄

石



南村先生傳

先生名宗儀字九成姓陶氏其先由閩之長溪徙永嘉陶山再徙台之黃巖黃巖之族二曰赤山曰陶夏陶夏諱泰和者宋皇祐裏溪都巡檢也復徙湫水是謂先生之始祖曾大父居安太府寺簿大父應雷太學錄父煜贈承事郎福建江西等處行樞密院都事先生冲襟粹質灑然不凡少舉進士第一不中即棄去務古學無所不窺出游浙東西師潞國



張公翥永嘉李孝光京兆杜本問文章為事
故其繩檢家法過人遠甚尤刻志字學工舅
氏趙集賢雍篆筆家甚貧抵淞教授弟子遇
人無險夷佞直一接以誠平居寡言笑至論
古今人物上下數千年竟日不倦至正間浙
帥泰不華南臺御史丑問辟舉行人校官皆
不就未幾太尉淮東張士誠開閩姑蘇數郡
之士畢至其部帥議以軍諮屈先生亦謝不
注入職方洪武辛亥 詔取天下士癸丑令

守令舉人才又以病免或謂讓之曰黃金白
壁重利也駟馬高蓋榮勢也天下之士孰不
靡然嚮風而子矯矯若是先生嘆曰捧檄而
喜所以為親祿不逮養適增悲耳况今賢良
輩出草莽之臣老死太平幸莫大矣踰分之
榮其敢覬乎藝圃一區果蔬薯蕷度給賓祭
已餘悉種菊栽接溉壅身自為之間遇勝日
引觴獨酌歌所自為詩撫掌大噱人莫測也
先生崎嶇亂離幾二十年喪葬祭禮備盡其

力人以孝稱由避兵家淞城之北泗水之南
諸生買地結廬遂居以老晚益閉門著書世
所共傳說郭一百卷輟耕錄三十卷書史會
要九卷四書備遺二卷其未脫藁者不與焉
贊曰古云雖無老成人尚有典刑老成邈矣
得見典刑者斯可矣憶余幼侍先君子采宋
故實至走杭之遺老年八九十者錄而傳焉
言極必流涕太息曠四十餘年必無其人久
矣不自意文獻之徵猶有如輟耕錄者在然

不百年吾恐未知是書之為寶也使知為寶
則南村心術之徵雖無余言有弗傳耶

江陰孫作撰

明陶宗儀撰宗儀字九成號南村台州人洪武中舉人村不
 就書三十卷凡四百八十二條於元時典章制度人物為詳
 蓋猶在元時所作前有至正丙午孫作叙並南邨先生
 傳又邵亨貞摹刻是書疏萬曆戊寅徐球補刻識
 乃明初舊板重脩者作字大雅江陰人洪武中官為國
 子助教授司業見明史文苑傳亨貞字復孺嚴州人
 官松江府學訓導有蛾術集

過錄天祿琳瑯續卷十六



南村輟耕錄疏

南村田叟陶君九成著書三十卷凡六合之內朝
 野之間天理人事有關於風化者皆采而錄之非
 徒作也然又能不忘稼穡艱難蓋有取於聖門餒
 在其中祿在其中之旨乃名之曰南村輟耕錄朋
 游間咸欲為之版行以備太史氏采擇而未有倡
 首之者於是僭為疏引以伸其意同志之士有觀
 其書者必皆樂聞而興起焉

伏以兒寬帶經而鉏名高前史陶亮既畊還讀教及後
 昆顧服田力穡乃士之常然著書立言於世為重比觀

輟耕之錄實為載道之文凡例既明書法尤備鈎玄提
要匪按圖索驥之空言攷古驗今得閉戶斲輪之大意
益亦寫諸琬琰庶可緝於簡編惟鏤版乃見全書在司
幣當無難色同門曰朋合志曰友幸慙慙以相成副墨
之子洛誦之孫共流傳於不朽學海之波瀾無障研田
之稼穡有秋謹識

今月

日疏

青溪野史邵亨貞

南村輟耕錄疏畢

南村輟耕錄總目

卷之一

大元世系

列聖正統

氏族

平江南

獨松關

浙江潮

宋興亡

萬歲山

大軍渡河

檄

朝儀

科舉

江南謠

白道子

官不致仕

荅刺罕

皇族列拜

內八府宰相

云都赤

大漢

貴由赤

昔寶赤

卷之二

聖聰

隆師重道

受佛戒

減御膳

聖儉

后德

端本堂

徵聘

治天下匠

以官為氏

受孔子戒

不食死

染髭

殺虎張

御史舉薦

切諫

丁祭

高學士

大黃愈疾

置臺憲

內御史署銜

令史

臺字

詔西番

五刑

錢幣

巴而思

善諫

使交趾

刻名印

國璽

宣文閣

占驗

權臣擅政

懷孟蛙

賊臣攝祭

叛黨告遷地

土人作掾

蕭先生

端厚

弓字

卷之三

正統辯

貞烈

岳鄂王

木乃伊

卷之四

發宋陵寢

相術

前輩謙讓

不苟取

論詩

賢妻致貴

奇遇

賢烈

挽文丞相詩

禱雨

廣寒秋

無恙

不亂附妾

卷之五

角端

劈正斧

興隆笙

尚食麪磨

僧有口才

鄧中齋

汪水雲

厚德

毀前朝玉璽

披秉歌訣

三教

授時曆法

功布

人中

發燭

嫁故人女

平反

勘釘

碑志書法

雕刻精絕

題跋

隆友道

朱張

交誼

假宅以死

清風堂屍迹

坐右銘

掘墳賊

廉介

甲午節氣

先輩謙讓

雙竹杖

卷之六

蘭亭集刻

契帖考

喪師衰經

廉使長厚

私第延賓

句曲山房熟水

法帖譜系

評帖

淳化祖石刻



缺P4

家翁

奴材

沙魘

孝行

吾竹房先生

抗疏諫伐宋

髮暄

鬼賊

居士

親家

研山圖

衛夫人

卷之七

趙魏公書畫

金鰲山

委羽山

斛銘

孝感

火失刺把都

屈戌

回回石頭

黃巢地藏

官奴

梵嫂

房老

鴛衾

奚奴温酒

掛牌延客

婚啓

陶母碑

許文懿先生

謠言

獸醫

想肉

玉眉姿

錢唐

漱芳亭

食品有名

火災

落水蘭亭

陰府辯詞

詩法

姓名考

女諫買印

吳江塔顛箭

素領

卷之十

御史五常

官倉入粟

食物相反

先輩諧謔

馬判

字訓

丘真人

南池鼃

鴈子

趣辦官錢

鼎作牛鳴

麀糟

越民考

三姑六婆

不中用

國字

水畜

纏足

溺水不躍

鎖陽

輓各論三卦

烏蛋戶

重臺

日字

卷之十一

寫像訣

相地理

狎娼遭毒

夢

白醉

賢母辭拾遺鈔

女奴義烈

龍廣寒

夜航船

不快

雷雪

分疏

西皮

煖屋

鬼室

牙郎

墓屍如生

枯井有毒

賢孝

事物異名

金銳刺肉

杭人遭難

承天閣

阿瘡瘡

海運

夫婦死孝

猪妖

卷之十二

園池記

厠籌

拗花

連枝秀

卻鞭

奉母避難

匠官仁慈

著衣喫飯

文章政事

浙江潮候

貞烈墓

特健藥

乞求

張道人

陰德延壽

帝師

卷之十三

中書鬼案

烏寶傳

綠窓遺藁

為將嗜殺

釋怨結姻

杜荀鶴詩

太公

剛介

發墓

卷之十四

忠烈

瘞鶴銘

風入松

四卦

點鬼錄

房中術

婦女曰娘

古刻

上頭入月

人腊

張翰林詩

卷之十五

淳化閣帖

幽囹

煮豆帖

妓妾守節

與妓下火文

賀人妾得子啓

弔四狀元詩

雞妖

胡烈女

鼃獄

沁園春

恭敏坊

隱趣

日書三萬字

妓出家

河南王

妖異

塔影入屋

錢唐懷古詞

人命至重

度量宏深

高麗氏守節

寒號蟲

鄧思賢

醫科

卷之十六

陶氏二譜

藥譜

世系

卷之十七

古銅器

石敢當

方頭

七十二

旃檀佛

傳席

歸婦吟

穿耳

丫頭

點心

奴婢

媪瓶

天子爭臣

嬪妃

黃金縷

哨遍

花蓋夫人

崔麗人

江浙省地分

改常

卷之十八

叙畫

記宋宮殿

廉察

宣髮

檄書露布

鞞鞞

書手

卷之十九

脈

四司六局

稽古閣

經紀

龐居士

宋朝家法

關駕上書

錢武肅鐵券

射字法

神人獅子

至元鈔樣

妓聰敏

日無光
面不畏寒

松江志異

郡縣君

卷之二十

納音

化氣

應聘不遇

皇舅基

真率會

珠廉秀

漢兒字聖旨

碧瀾妾

箕仙咏史

夫婦同棺

宋幼主詩

孔掾史

挽文教授詩

狷潔

鴈書

碑刻印識

九姑玄女課

白翎雀

天下士

卷之二十一

宮闕制度

公宇

喝盞

碧珠示識

卷之二十二

聖門弟子

河源

皇太子署牒禽戲

虎禍

河南婦

玉堂嫁妓

數識

戎顯再生

算命得子

夫婦入道

項節婦

西域奇術

童子屬對

先輩風致

司馬善諫

俞竹心

犬脅生子

卷之二十三

書畫襍軸

爐鳴

田夫人

絜

金蓮盃

大佛頭

揚州白菜

譎誕有配

檢田吏

玉鹿盧

猴盜

盜有道

預知敗元

醉太平小令

譏省臺

造物有報復

鎖鎖

葉氏還金

傅氏死義

武官可笑

鞠獄

聖鐵

鬼爺爺

死護文廟

卷之二十四

結交重氣義

帝廷神獸

勾闌壓

鵠鴿傳書

待士鄙吝

陳公子

漢魏正閏

剛卯

侗儻好義

道士壽函

餽飽方

精塑佛像

繆孝子

趙孝子

王義士

木冰

龍湫獻靈

王一山

誤墮龍窟

雞司晨有準

黃道婆

天隕魚

十二生子

劉節婦

歷代醫師

卷之二十五

論秦蜀

院本名目

遁母

天竺觀音

卷之二十六

傳國璽

瑞應泉

疑冢

盧橘

五龍車

伏波將軍

至元鈔料

鵬傳

三瓦戒

酸齋辭世詩

高昌世家

后德

文宗能畫

武當山降筆

箕仙有驗

詩畫題三絕

浙西園苑

吳江長橋

卷之二十七

四位配享

金果

李哥貞烈

劉節婦

病潔

雜劇曲名

唱論

莊蓼塘藏書

買假山

戴氏絕嗣

妓妾守志

譏伯顏太師

譏方士

燕都賦

裱背十二科

厲狄

旗聯

桃符識

金甲

藺節婦

忠孝里

胡仲彬聚眾

扶箕詩

卷之二十八

非程文

于闐玉佛

處士門前怯薛

憲僉案判

詩識

丘機山

不孝陷地死

嘲回回

白縣尹詩

廢家子孫詩

樂曲

蕪梅花文

如夢令

黃門

花山賦

爵祿前定

醋鉢兒

棋譜

軍前請法師

凌總管出對

承天寺

義丈夫

解語盃

戲題小像

水仙子

銅錢代著

刑賞失宜

畫家十三科

卷之二十九

紀隆平

降真香

宋二十二帝

字音

許負

李玉溪先生

稱地為雙

骨咄犀

一門五節

一門三節

黃龍洞

黏接紙縫法

井珠

一錢太守廟

全真教

馮孝子

楊貞婦

窰器

墨

斲琴名手

古琴名

戲語

日家安命法

淮渦神

寄衣

卷之三十

印章制度

銀工

祖孝子

白月園文

金靈馬

髹器

只孫宴服

三教一源

銀錠字號

學宮講說

松江之變

果典坐

詩識

書畫樓

物必遇主

鎗金銀法

磨堯堅箴

三笑圖

官制字訛

巾幘考

屨鳥履考

南村輟耕錄總目

南村輟耕錄卷之一

大元宗室世系

天台陶

宗儀

九成

脫奔咩哩犍妻

博寒葛

八林昔黑刺

阿蘭果火太后

博合覩撒里吉

禿哈必畜

始祖孛端义兒

咩麻篤敦

既孛篤兒罕

海都

某某某

某某

納真今兀察兀禿其子孫也

拜住忽兒子

敦必乃字

葛木虎今那哈合兒其子孫也

直孛斯

葛忽刺急里恒

察刺罕寧兒

收兄拜住忽兒妻生一子

今大兀其子孫也

合產今小八魯刺其子孫也

獠忽真兀禿迭葛

今昔即兀刺其子孫也

葛不律字

葛赤渾今阿答里急其子孫也

哈刺刺歹今博歹阿替其子孫也

笛不斤八刺哈哈

今岳斯斤其子孫也

蒙哥睹黑顏

八里丹字

聶昆大司

烈祖神元皇帝諱也速該姓奇渥温氏

忽都魯咩聶兒

荅里真

忽魯刺罕

合丹八都兒

木赤太子

撥端幹赤斤

察合台太子

急闌八都兒子庶

太宗皇帝

睿宗皇帝

太祖皇帝

兀魯赤太子

果里干太子

即缺劉堅

拔都王

撒里荅王

忙哥帖木兒王

脫脫蒙哥王

寧肅王脫

伯忽王

月即列王

也速蒙哥王

肅王寬徹

札尼列王

阿魯忽王

八刺王

威遠王阿只吉

帖木兒不花王

忽察王

腦忽歹太子

完王買住韓

威遠王忽都帖木兒

赤因帖木兒

越王秀刺

南答失里王

赤兒監藏王

完者也不干王

南平王秃魯

合刺旭烈王

定宗皇帝

潤端太子

曲出太子

哈刺察兒王

合昔歹王

合丹王

滅里王

木忽王

滅里吉歹王

蒙哥都王

只必帖木兒王

帖必烈王

曲列魯王

昔列門太子

脫脫王

海都王

覩爾赤王

也速不花王

亦憐王

汾陽王別帖木兒

荆王也速不干

孛羅赤王

靖遠哈歹

襄寧王阿魯灰

襄寧王也速不干

月別台

沙藍朵兒只

憲宗皇帝

也不干王

也迭兒王

也孫脫王

火你王

脫忽王

班禿王

阿連及王

玉龍答失王

汝寧王察兒

汝寧王亮者帖木兒

汝寧王忽利台

小薛王

星吉班王

隴王火郎撒

咬住王

火你王

撒里吉王

俺都刺王

衛王完澤

愛牙赤王

忽覲都

鄰王胤胤禿

陽翟王泰平

河平王昔里吉

陽翟王禿滿

兀魯思不花王

陽翟王曲春

拜王晃火帖木兒

陽翟王帖木兒

嘉王火你忽

顯宗皇帝

次三失其名

答沙赤思的

梁王松山

辯都

泰定皇帝

朶兒只

一作都兒真

湘寧王迭里哥兒不花

湘寧王八剌失里

裕宗皇帝

順宗皇帝

魏王阿木哥

脫不花王

蠻子王

西靖王阿魯

魏季魯帖覓

唐兀台

蒼覓蠻失里王

李羅王

武宗皇帝

明宗皇帝

今上皇帝

寧宗皇帝

皇子愛猷羅遜臘

買的里八剌

文宗皇帝

皇子阿剌忒納剌

燕帖古思太子

太平訥太子

仁宗皇帝

英宗皇帝

安王都思不花

成宗皇帝

皇太子德壽

安西王忙哥刺

安西王阿難荅

北幽王那木罕

秦王按檀不花

月魯帖木兒

雲南王忽哥赤

營王也先帖木兒

脫歡不花太子

脫魯太子

愛牙赤王

阿不干王

世祖皇帝

孛顏帖木兒王

也古的不花王

西平王奧魯赤

鑾武王也先帖木兒不花

雲南王老的罕

武靖王搠思班

乞八王

亦只班王

寧王濶濶出

豫王阿忒納失里

鎮南王帖木不花

鎮南王孛羅不花

次五失其名

鎮南王脫歡

威順王寬徹不花

宣讓王帖木兒不花

忽都魯帖木兒

阿不也不干王

八魯魯兒只王

阿八哈王

阿魯王

靖遠王合贊

康平王哈兒魯

幽王出伯

幽王喃忽里

脫脫木兒王

旭烈兀王

亦憐真朶兒只王

亦憐真八的王

某

威定王玉木忽爾

魏王孛顏帖木兒

完者帖木兒王

冀王孛羅

鐵木兒脫

定王樂木忽兒

某

燕大王

阿里不哥王

刺甘失甘王

鎮寧王那

撥綽王

薛必烈傑兒王

楚王牙忽都

楚王脫烈鐵木兒

楚王八都兒

燕帖木兒王

速哥帖木兒王

朶羅不花王

末哥王

昌童王

伯帖木兒王

永寧王伯顏木兒

歲都哥王

速不歹王

荆王脫脫木兒

哈魯孫王

雪別台王

某

月魯帖木兒

荆王也達不堅

買閭也先

河間王忽察

忽魯歹王

也不干王

八八王

八八刺王

安定王脫歡

允脫思脫木兒王

合賓帖木兒王

伯荅罕王

淄王擲只哈撒兒

淄川王也昔

愛哥阿不干王

移相哥王

勢都兒王

脫忽王

齊王八不沙

必烈虎王

黃兀兒王

伯木兒王

齊王龍帖木兒

別兒帖木兒王

濟王哈赤溫

濟南王按只吉友

哈丹

隴王忽刺出

察忽列王

濟南王也里只

忽列虎兒王

吳王木喃子

吳王朶列紐

濟陽王潑皮

阿木魯王

愛牙哈赤王

塔察兒王

鐵木哥幹赤國王

幹端王

即幹真那顏

只不干王

壽王乃蠻台

也不干王

兀刺兒吉歹王

奧速海王

察刺海王

孛羅歹王

西寧王撒魯蠻

卯罕王

本伯王

也只王

廣寧王別里古台

即孛魯吉歹

也速不花王

廣陵王瓜都

不只只王

帖木兒王

乃顏王

脫鐵木兒王

滅里吉歹王

潢察王

抹扎兒王

撒里蠻王

闊闊出王

火納耶耶

小哥王

寧王濶濶出

也里干王

哈魯罕王

寧海王亦思蠻

寧海王拔都兒

寧海王阿海

罕老忽王

霍力極王

塔出王

瓮吉刺反王

定王察兒台

定王薛徹干

列聖授受正統

始祖

諱字端义兒

烈祖神元皇帝

諱也速該姓奇渥温氏

太祖應天啓運聖武皇帝

諱鐵木真國語曰成吉思

宋開禧二年丙寅十二月即位于幹難河自號可

汗至宋寶慶三年丁亥七月己丑崩于薩里川在

位二十二年壽六十六葬起輦谷

太宗英文皇帝

諱窩闊台

宋紹定二年己丑八月己未即位于忽魯班雪不

只至宋淳祐元年辛丑十一月崩于胡闌山在位

一十三年壽五十六葬起輦谷 六皇后禿里吉
納臨朝稱制皇后乃馬真氏

睿宗仁聖景襄皇帝 諱愜雷

憲宗追謚

定宗簡平皇帝 諱貴由

宋淳祐二年壬寅至乙巳皇后當國丙午七月歸
政即位于荅蘭荅八思至戊申三月崩于胡眉斜
陽吉兒在位三年壽四十三葬起輦谷皇太后禿
里吉納復治國事

憲宗桓肅皇帝 諱蒙哥

宋淳祐十一年辛亥六月即位于濶帖兀阿蘭至
宋開慶元年己未七月二十七日癸亥崩于釣魚
山在位九年壽五十

世祖聖德神功文武皇帝 諱忽必烈國語曰薛禪

宋景定元年庚申四月一日戊辰即位于開平建
元中統至至元三十一年甲午正月十九日庚午
崩于紫檀殿在位三十五年壽八十葬起輦谷

中統四 至元三十一

裕宗文惠明孝皇帝 諱真金

成宗追謚

順宗昭聖衍孝皇帝

諱荅刺麻八刺

武宗追謚

成宗欽明廣孝皇帝

諱鐵木耳國語曰完者篤

至元三十一年甲午四月十四日甲午即位于上都改至元三十二為元貞至大德十一年丁未正月八日癸酉崩于玉德殿在位十三年壽四十二葬起輦谷 元貞二 大德十一

武宗仁惠宣孝皇帝

諱海山國語曰曲律

大德十一年丁未五月十一日甲戌即位于上都十二月詔改大德十二為至大至四年辛亥正月

八日庚辰崩于玉德殿在位四年壽三十一葬起

輦谷 至大四

仁宗聖文欽孝皇帝

諱愛育黎拔力八達國語曰普顏篤

至大四年辛亥三月十八日庚寅即位于大明殿九月壬子詔改至大五為皇慶至延祐七年庚申正月二十一日辛丑崩于光天宮在位九年壽三十六葬起輦谷 皇慶二 延祐七

英宗睿聖文孝皇帝

諱碩德八剌國語曰華堅

延祐七年庚申三月十一日庚寅即位十二月乙巳詔改延祐八為至治至三年癸亥八月四日癸

亥遇弒崩于上都途中南坡行幄在位四年壽二十一從葬諸帝陵 至治三

顯宗光聖仁孝皇帝 諱其刺麻

泰定追謚今出廟

泰定皇帝 諱也先帖木兒元封晉王

至治三年癸亥九月四日癸巳即位于上都龍居河十二月丁亥昭改至治四為泰定至五年戊辰二月庚申改致和七月十日庚午崩文宗追廢在位五年壽二十六 泰定四 泰定伍 改致和文宗即改天曆

明宗翼獻景孝皇帝 諱和世刺國語曰忽都篤

天曆二年巳巳正月二十八日丙戌即位于和寧北八月二日大駕次王忽察都六日暴崩不改元在位八月壽三十葬起輦谷

文宗聖明元孝皇帝 諱脫脫木兒國語曰扎牙篤

致和元年戊辰九月十三日壬申即位于大明殿改元天曆詔讓大兄明宗明年巳巳五月帝發京師北迎八月二日丙戌遇於忽察都庚寅明宗暴崩巳亥復即位于上都至三年庚午五月戊午改至順至三年壬申八月十二日巳酉崩在位五年

壽二十九葬起輦谷後至元六年庚辰六月丙申
以帝謀不軌使明宗飲恨而崩詔撤其廟主 天
曆二 至順三

寧宗沖聖嗣孝皇帝

諱懿璘質班

至順三年壬申十月四日庚子即位于大明殿至
十一月十六日壬午崩不改元年七歲葬起輦谷

今上皇帝

御名妥歡帖睦爾

至順四年癸酉六月八日巳巳即位于上都十月
戊辰改元元統至三年乙亥十一月辛丑改至元
至七年正月一日改至正 元統二 至元六

氏族

至正今二十六年

蒙古七十二種

阿刺刺

扎刺兒歹

忽神忙兀歹

瓮吉刺歹

晃忽攤

永吉列思

兀魯兀

郭兒刺思

別刺歹

怯烈歹

秃別歹

八魯刺忽

曲呂律

也里吉斤

扎刺只刺

脫里別歹

塔塔兒

哈答吉

散兒歹

乞要歹

列木歹

顏不花歹

歹列里養賽

散朮兀歹

滅里吉歹

阿大里吉歹

兀羅歹

別帖里歹

蠻歹

也可抹合刺

那顏吉歹

阿塔里吉歹

亦乞列歹

合忒乞歹

木里乞

外兀歹

外抹歹

阿兒刺歹

伯要歹

担古歹

外刺歹

末里乞歹

許大歹

晃兀攤

別速歹

顏不草歹

木温塔歹

忙兀歹

塔塔歹

那顏乞台

阿塔力吉歹

忽神

塔一兒

兀魯歹

撒朮歹

滅里吉

阿火里力歹

扎馬兒歹

兀羅羅歹

別帖乞乃蠻歹

荅荅兒歹

也可林合刺

瓮吉歹

朮里歹

忙古歹

外秣歹乃

朶里別歹

入憐

察里吉歹

八魯忽歹

哈荅歹

外刺

色目三十一種

吟刺魯

欽察

唐兀

阿速

秃八

康里

苦里魯

刺乞歹

赤乞歹

畏吾兀

回回

乃蠻歹

阿兒渾

合魯歹

火里刺

撒里哥

秃伯歹

雍古歹

蜜赤思

夯力

苦魯丁

貴赤

匣刺魯

秃魯花

哈刺吉答歹

拙兒察歹

秃魯八歹

火里刺

甘木魯

徹兒哥

乞失迷兒

漢人八種

契丹

高麗

女直

竹因歹

木里濶歹

竹温

竹亦歹

渤海

女直同

金人姓氏

完顏漢姓曰王

烏古論曰商

乞石烈曰高

徒單曰杜

女奚烈曰郎

兀顏曰朱

蒲察曰李

顏蓋曰張

温迪罕曰温

石抹曰蕭

奧屯曰曹

孛木魯曰魯

移刺曰劉

幹勒曰石

納刺曰康

夾谷曰仝

裴滿曰麻

尼忙古曰魚

幹准曰趙

阿典曰雷

阿里侃曰何

溫敦曰空

吾魯曰惠

抹顏曰孟

都烈曰強

散答曰駱

呵不哈曰由

烏林荅曰蔡

僕散曰林

木虎曰董

古里甲曰汪

至元十一年甲戌宋之咸淳十年也秋七月

世祖命中書右丞相伯顏總制大軍取宋諭之若曰
朕聞曹彬不嗜殺人一舉而定江南汝其體朕心法
彬事毋使吾赤子橫罹鋒刃伯顏叩首奉命惟謹孰
而混一職方豈非不嗜殺人之驗與

明年乙亥春諸郡望風降敗丞相伯顏遣員外郎石天
麟詣闕奏聞

世皇喜顧謂侍臣曰朕兵已到江南宋之君臣必知
畏恐茲若遣使議和邀索歲幣想無不從者遂勅伯
顏按兵乃命禮部尚書廉希賢侍郎嚴忠範計議官
宋德秀秘書丞柴紫芝等齎奉國書使宋次建康希
賢等借兵衛送伯顏曰方今兩軍相阨互有設險宜
令行人先往道意若便擁兵前進吾恐別生罅隙則
和議之事必難成矣希賢等堅請乃簡閱銳卒伍百
畀之至獨松關戍關者宋浙西安撫司參議官張濡

也以為北兵叩關率衆掩擊殺忠範執希賢希賢亦病創死世皇聞之大怒趣進攻嗟夫宋之亡也非有桀紂之惡特以始之以拘留使者肇天兵之興終之以誤殺使者激世皇之怒耳藉使獨松之使不死宋之存亡未可知其亦有數也與

明年正月甲申丞相伯顏駐軍皋亭山宋奉表及國璽以降遣千戶囊加歹等入城慰諭令居民門首各貼好投拜三字及聞益王廣王如婺州即命分兵屯守諸門范文虎安營浙江沙澣太皇太后望祝曰海若有靈當使波濤大作一洗而空之潮汐三日不至爾

焉宴然文虎呂文煥壻安慶守臣降於我者

宋之興始於後周恭帝顯德七年恭帝方八歲及其亡也終於少帝德祐元年少帝時四歲名顯而顯德二字竟與得國時合周以主幼而失國宋亦以主幼而失國周有太后在上宋亦有太后在上始終興亡之數昭然如此

萬歲山在大內西北太液池之陽金人名瓊花島中統三年修繕之其山皆以玲瓏石疊壘峰巒隱映松檜隆鬱秀若天成引金水河至其後轉機運軒汲水至山頂出石龍口注方池伏流至仁智殿後有石刻蟠

龍昂首噴水仰出然後東西流入于太液池山上有
廣寒殿七間仁智殿則在山半爲屋三間山前白玉
石橋長二百尺直儀天殿後殿在太液池中圓坻上
十一楹正對萬歲山山之東也爲靈囿竒獸珍禽在
焉車駕歲巡上都先宴百官于此浙省參政赤德爾
嘗云向任留守司都事時聞故老言國家起朔漠日
塞上有一山形執雄偉金人望氣者謂此山有王氣
非我之利金人謀欲厭勝之計無所出時國已多事
乃求通好入貢旣而曰他無所冀願得某山以鎮壓
我土耳其衆皆鄙笑而許之金人乃大發卒鑿掘輦運

至幽州城北積累成山因開挑海子栽植花木營構
宮殿以爲遊幸之所未幾金亡世皇徙都之至元四
年興築宮城山適在禁中遂賜今名云留守司在宮
城西南角樓之南專掌宮禁工役者

世皇取江南 大軍次黃河苦乏舟楫夜夢一老叟曰

陛下欲渡河當隨我來引至一所指曰此即是已

帝遂以物標識之乃覺歷歷可記明日循行河澣尋
夢中所見處果是方驚顧間忽有人進曰此間水淺
可渡時帝徵夢中語因謂曰汝能先涉否其人乃行
大軍自後從之無一不濟 帝欲重旌其功對曰富

與貴悉非所願但得自在足矣遂封爲荅刺罕與五
品印撥三百戶以食之今其子孫尚有存者此事揚
元誠太史瑞所云

世皇下江南檄枚舉賈似道無君之罪宋國臣民其不
誠服者與其文曰宅中圖大天開一統之期自北而
南雷動六師之衆先謂弔民而伐罪蓋將用夏而變
夷欲制江浙以削平極汝海隅而混一堪嗟此宋信
任非人處之師相之尊委以國柄之重世濟其惡真
兇悖之賈充謀及廼心效姦雄之曹操不學無識舞
術弄權誇許黃僅免其身比河清莫大之績承君之

寵如彼之專貪天之功確乎不拔惜官爵以總寶貨
苛條法以苦賢才奪土田而無地可耕變關會而物
價溢湧藉鄙猥者伴食於廟堂任反側者失兵於邊
徼恬視雷星之召異罔聞水火之降災滿朝皆其私
人用將因其重賂用白劄而破世守之法曲丹筆而
容天討之刑民心已離而不知天命將革而未悟方
且貪湖山之樂聚寶玉之珍弗顧母死奪制以貪榮
乃乘君寵立幼而固位以已峻功碩德而自比於周
公欺人寡婦孤兒反不如於石勒深懷禍慝自肆奸
邪合正兩觀之誅可紓百姓之怒我

大元皇帝聰明智睿神武慈仁焚香祝天誓莫殺而
混海宇振兵畧地隨所向而宣皇威一戰乘勝而渡
江諸將列降而獻土厥角稽首迎我前矛後實先聲
易如破竹昭天順人信之助成我風行草偃之功合
宇宙以清寧蘇人民而鎮撫恩寬幼主以下罪止元
惡之身自今檄到應守令以境土投拜除大支犒賞
外仍其官職謹檄

大元受天命肇造區夏列聖相承至于世皇至元初
尚未遑興建宮闕凡遇稱賀則臣庶皆集帳前無有
尊卑貴賤之辨執法官厭其喧雜揮杖擊逐之去而

復來者數次翰林承旨王文忠公磐時兼太常卿慮
將貽笑外國奏請立朝儀遂如其言

皇慶癸丑冬十一月詔曰其以皇慶三年八月天下郡
縣與其賢者能者充賦有司明年二月會試京師中
選者朕將親策焉按遺山元公好問所撰廉訪使楊

文憲公與墓碑云太宗即位之十年戊戌開舉選

特詔宣德課稅使劉公用之試諸道進士公試東
平兩中賦論第一奏授河南路徵收課稅所長官兼
廉訪使則國朝科舉之設已肇於此寥寥七十餘年
而普顏篤皇帝克不墜祖宗之令典尊號曰

仁不亦宜乎初焉試論賦盖反宋金餘習後則一以經學爲本非復向時比矣

汲郡王公玉堂嘉話云宋未下時江南謠云江南若破百鴈來過當時莫喻其意及宋亡盖知指丞相伯顏

也

太宗時諸國來朝者多以冒禁應死耶律文正王

楚材

進奏曰願無汗白道子從之盖國俗尚白以白爲吉故也

大德七年詔内外官年及七十並聽致仕時郭守敬字若思順德邢臺人知太史院事以舊臣且熟朝廷所

施爲獨不許其請至今翰林太史司天官不致仕者咸自公始

荅刺罕譯言一國之長得自由之意非勲戚不與焉

太祖龍飛日朝廷草創官制簡古惟左右萬戶次及千戶而已丞相順德忠獻王

哈刺哈孫

之曾祖啓昔

禮以英材見遇擢任千戶錫號荅刺罕至元壬申世祖錄勲臣後拜王宿衛官襲號荅刺罕

己丑秋八月太宗即皇帝位耶律文正王時爲中書令定冊立儀禮皇族尊長皆令就班列拜尊長之有拜禮盖自此始

內八府宰相八員視二品秩而不降授宣命特中書照會之任而已寄位於翰林之埽隣埽隣宮門外院官會集處也所職視草制若詔赦之文則非其掌也至於院之公事亦不得與焉例以國戚與勲貴之子弟充之

國朝有四怯薛太官怯薛者分宿衛供奉之士爲四番番三晝夜凡上之起居飲食諸服御之政令怯薛之長皆總焉中有云都赤乃侍御之至親近者雖官隨朝諸司亦三日一次輪流入直負骨朶於肩佩環刀於腰或二人四人多至八人時若上御控鶴則

在墀陛之下蓋所以虞茲回也雖宰輔之日覲清光然有所奏請無云都赤在固不敢進今中書移咨各省或有須備錄奏文事者內必有云都赤某等以此之故余又究骨朶字義嘗記宋景文筆記云關中人以腹大爲胍朶上音孤下音都俗音謂杖頭大者亦曰胍朶後譌爲骨朶朶平聲

國朝鎮殿將軍募選身軀長大異常者充凡有所請給名曰大漢衣糧年過五十方許出官

貴由赤者快行是也每歲一試之名曰放走以脚力便捷者膺上賞故監臨之官齊其名數而約之以繩使

無後先參差之爭然後去繩放行在大都則自河西
務起程若上都則自泥河兒起程越三時走一百八
十里直抵

御前俯伏呼萬歲先至者賜銀一餅餘者賜段匹有
差

昔寶赤鷹房之執役者每歲以所養海青獲頭鶩者賞
黃金一錠頭鶩天鶩也以首得之又重過三十餘斤
且以進御膳故曰頭

南村輟耕錄卷之一

